

IA MALAMALAMA  
I LE NCEA

O le NCEA o le tusipasi e maua e tamaiti Niu Sila uma pe a faai'uina o latou taumafai i a'oga maualuluga, ma e aofia i le faatulagaina o tusipasi i Niu Sila. O le tele o mata'upu e ofoina atu i aoga maualuluga i Niu Sila, e faavae mai i vaega a'oa'oina autu o le ta'iala o a'oa'oga a Niu Sila [e faailoa mai ai se 'auivi o vaega e tatau ona a'oa'oina i aoga maualuluga]. O nisi a'oga latou te ofoina atu ni iunite o matati'a [unit standards] i isi mata'upu e pei o business administration poo le va'ai ma le puipuia o meaola, e le o ni vaega o le ta'iala o a'oa'oga a Niu Sila, ae mafai ona maua ai ni maka e mafai ona faaopoopo i le NCEA, poo nisi fo'i tusipasi [e le aofia i le NCEA].

A'o le'i filifiliina mata'upu, e tatau ona malamalama lelei pe faapefea ona fesoasoani i le si'itiaina o le tulaga faaleaoaoga, ma e faapefea foi ona tāpenaina ai oe mo le faaauuina o lou a'oa'oga po o le aga'i atu i se galuega.

## VAEGA TĀUA E TATAU ONA E SILAFIAINA I LE NCEA

### Matāti'a ma maka

E ofoina atu e a'oga maualuluga mata'upu e maua ai **matāti'a** [vaega o mata'upu] e iloiloina ina ia talafeagai ma mana'oga o le NCEA.

O matāti'a ta'itasi e maua ai ni **togi** [e masani ona i le va o le 2 ma le 6] e maua pe afai ua talafeagai ma le iloiloga o lena matāti'a.

O le mata'upu e pei o le Igilisi, e mafai ona 4 po o le 5 i le 10 pe tele atu fo'i matāti'a, e maua ai lou avanoa e maua ai ni maka pe tusa ma le 24 pe sili atu fo'i. Faaataitaiga, o le matāti'a e mana'omia oe e te saunia se tusitusiga pei o se tusi talosaga mo se galuega, ae maua ai le 3 maka, o le isi matāti'a e mana'omia oe ina ia fuafua ma faia se lauga, e mafai ona maua ai le isi 3 maka.

Afai e lē faataunuina au galuega ma su'eina suega faatulagaina mo lea matātī'a, o le a lē maua ni ou maka mo lea matātī'a, ae mafai lava ona maua ni ou maka i nisi matātī'a o le mata'upu lava lea.

Aua ne'i faaososoina oe e faamisi matātī'a na'o le 2 pe 3 maka, e le taumateina le anoanoa'i o ni a'oa'oga taua o iai.

O aoga, e masani ona latou ofoina atu itū'āiga matātī'a e lua, **achievement** e maua mai i le ta'iala a Niu Sila mo a'oga [i mata'upu e iai le history, chemistry, matematika poo le Igilisi], ao **units**, e maua mai i isi tusipasi e iai le hospitality, technology, poo le business administration.

### Iloiloga ma togi

- Ua suia nei le tulaga sa makaina ai su'ega mai le A, B, C, D, i le **Not Achieved** [N], **Achieved** [A], **Merit** [M], **po o le Excellence** [E]. O matātī'a o achievement, e faaaogāina uma vaega ia e fa e iloilo ai, a'o matātī'a o units, e tele ina faaaogāina le Achieved ma le Not Achieved e iloilo ai.
- O nisi o iloiloga, [e aofia ai iloiloga o matātī'a o units], e faatinoina lava lea i le tausaga atoa i le taimi o le a'oga e le faia'oga oloo a'oa'oina lena mata'upu. O nisi iloiloga, e auala lea i faamaumauga e aoaoina i le tausaga atoa, poo su'ega i le faai'uga o le tausaga e filifilia ai ni faisu'ega faapitoa latou te faatinoina. O mataupu e tele ina faaaogāina ituaiga iloiloga nei e lua e aoao ai maka, ina ia maua ai e tamaiti avanoa e maua ai ni maka i le taimi o le a'oga ma su'ega i le faai'uga o le tausaga.
- Afai e le faamanuiaina se tamaitiiti i se matātī'a, po o ni matātī'a e iloiloina i le taimi o le a'oga, e masani lava ona iai le avanoa e toe tapena ai ma toe iloiloina. Mo matātī'a e iloiloina e auala i faamaumauga ma su'ega i le faai'uga o le tausaga, [O le avanoa lona lua e toe iloilo ai, o le faatali lea i le faai'uga o le tausaga o muamua].

## la mautinoa e ao ona talafeagai fuafuaga a le ofisa o a’oga ma tamaiti uma

O le NCEA e fuafuaina e le New Zealand Qualification Authority [NZQA], ma o i latou foi e faamaonia ma faatonutonuina tusipasi i le auivi o tusipasi i Niu Sila. Ina ia mautinoa e le NZQA oloo tutusa iloiloga a a’oga o matāti’a i le taimi o a’oga, ua iai se vaega ua tapenaina ina ia toe tilotilo toto’a i ia iloiloga. O nisi o galuega a tamaiti ua uma ona makaina e le faiaoga, e auina atu i le [faiaoga ua filifilia faapitua mai fafo], o lana matafaioi lea o le silasila toto’a poo tutusa le makaina o iloiloga a tamaiti mai aoga eseese.

## Faamanuiaina i le Laasaga 1 o le NCEA

O le toatele o tamaiti, faato’a tapena lava mo le NCEA pe a oo i le Tausaga 11 [Form 5 e pei ona masani mai ai], ae o le tulaga lelei lava o le vave lea ona amata mai i le Tausaga 10, poo le vave foi ona tapenapena.

*“ E PULE LAVA OE I LE MALOSI O LAU GALUE, AE  
PO O A FOI ILOILOGA E TE FIA TAUMAFAI I AI*

I le **Tausaga 11**, e manaomia lou filifiliina o mata’upu e 5 po o le 6, ae faalagolago i le a’oga ma ana polokalame. O le Igilisi [po o le reo Maori], ma le matematika, o mata’upu ia e faamalosi i le tele o a’oga i le Laasaga 1. O isi a’oga e faaopoopo le mata’upu o mata’upu faamalosi e tasi. E masani lava ona filifili le faasaienisi, o le physical education, po o se isi mata’upu.

E ia te oe le sa’olotoga e filifili ai nisi mata’upu, peita’i, e faalagolago i mata’upu oloo ofoina e le a’oga, faatulagaina o le polokalame a le a’oga, aemaise foi, o le tulaga o maka o lau iloiloga i faamaumauga i le tausaga atoa ma su’ega faai’u o le tausaga ua mavae.

E mafai lava ona maua le avanoa e maua ai ni maka se 120 i le 5 po o le 6 mata'upu, ae po o a foi iloiloga e mana'o e taumafai e fai.

Ina ia maua le **NCEA Laasaga 1**, e mana'omia ina ia maua

- Le aofa'iga o maka e 80 e aofia ai
- Ia le itiiti ifo i le **10 maka e faailoa ai tomai o le faitautusi ma le tusitusi**
- Ia le itiiti ifo i le **10 maka e faailoa mai ai tomai o le numera**

O maka o le faitautusi ma le tusitusi, e faamoemoe ina ia faaalua ai tomai i le faitautusi, tusitusi, tautala ma le faalogo. E mafai ona maua mai ia maka i;

- Achievement Standards Faapitoa e maua mai i mataupu eseese [e iai le Igilisi, Faamaori, Tala faasolopito, po o le Social Studies], po o,
- Unit Standards Faapitoa. O nei vaega e tuu faatasia ini matatia se tolu e maua ai maka e 10, ao nei matatia e tolu ia manuia le faataunuuna ia tusa ai ma faamoemoega o le faitautusi ma le tusitusi.

Manatua e tatau ona e ausia vaega manaomia o le faitautusi ma le tusitusi e ala lea i Achievement Standards faapitoa po o Unit Standards faapitoa, ae le o le faafefiloi o maka o Achievement Standards ma Unit Standards.

E iai foi le isi auala e mafai ai ona e ausia faamoemoega o le faitautusi ma le tusitusi, e auala mai lea i le mataupu faapitoa o le Laasaga 4 ua taua, o le English for Academic Purposes. O lenei mataupu, e aofia ai ni Unit Standards se lua e maua ai maka e 5 i le iunite e tasi. O tamaiti e filifiliina lea auala, e tatau ona ausia maka manaomia o le faitautusi ma le tusitusi i le mataupu lea, pe ausia foi na o le faitautusi po o le tusitusi foi, ao isi vaega e mafai ona ausia i isi Achievement Standard faapitoa.

O maka o le numera ua fuafua e faailoa mai ai le tomai i, numbers, measurement, ma statistical. E mafai ona maua mai,

- Achievement Standards faapitoa o mataupu e [iai le numera, pangarau, geography, po o le faasaienisi], po o,
- Unit Standards faapitoa. E maua lea ini matatia se tolu e maua ai ni maka se 10, ao ia matatia e tolu, e tatau ona faataunuaina ina ia ausia e tusa ma vaega manaomia o le numera.

Manatua e tatau ona e ausia vaega manaomia o le numera e ala lea i Achievement Standards faapitoa po o Unit Standards faapitoa, ae le o le faafefiloi o maka o Achievement Standards ma Unit Standards.

O le a fesoasoani lau aoga ina ia mautinoa oloo talafeagai matatia ina ia maua ou maka e manaomia mo le numera ma le faitautusi ma le tusitusi. E mafai foi ona e siakiina le lisi atoa o ia matatia i le uepega tafailagi a le NZQA [<http://www.nzqa.govt.nz/qualifications-standards/qualification/ncea>]

E tatau i tamaiti ona taumafai e faa'uma le NCEA Laasaga 1 i le Tausaga 11, ma ia sili atu maka ai lo le tapulaa e 80 maka, aemaise lava pe afai e faamoemoe e faaauau le taumafai i matātā 'ese'ese ma iunivesete. Peitai o le faigofie o fetu'utu'una'iga o mata'upu o le NCEA, ua maua ai avanoa e faaauau ai maka mo le Tausaga 11 i le Tausaga 12, po o le Tausaga 13, o isi tamaiti e mana'omia le taimi faaopoopo. E lē faapea se'iloga e pasi uma mata'upu o le Laasaga 1 i le NCEA ona faato'a amata lea o le Laasaga 2 o le NCEA, ae o se mea lelei tele pe afai e pasi uma au mata'upu o le Laasaga 1 i le Tausaga 11, ma le Laasaga 2 i le Tausaga 12. O le mea moni, e m afai ona ave matāti'a maualuluga i le Tausaga 11, aemaise lava pe afai oloo lelei ou maka i ni mata'upu faapitoa, ma ua manatu foi lou faia'oga e te gafatia.

Ao le mea mea moni lava ia, o faai'uga o tausaga ta'itasi e amata ai le faavae mo galuega o le isi tausaga, ma e sili atu ona faigofie faatinoga pe a mautu le faavae e amata ai le isi a'oa'oga fou. O Faamatalaga

Faaopoopo 1 i le faai'uga o le tusi, oloo iai le siata faasolo e faailoa mai ai, pe faapefea ona fesoota'i galuega a tamaiti i mata'upu i tausaga ta'itasi.

O le siata faasolo na maua mai se tasi o a'oga ma oloo faaaogaina na o se faataitaiga. Atonu oloo iai foi ni siata a la outou a'oga e tai foliga tutusa [e masani ona iai i le faasinoala o le ta'iala, poo le tusi o le NCEA] oloo lisiina uma ai mata'upu oloo ofoina e le a'oga, ma oloo faaalua ai foi le feso'ota'iga o mataupu mai le Tausaga 10 po o le Tausaga 11 e aga'i atu i le Tausaga 13.

## FAAMANUIAINA LE NCEA I LE LAASAGA 2

O le tele o a'oga pe a o'o i le **Tausaga 12**, e mana'omia lou aveina o le Igilisi [po o le te reo Maori]. E tele foi nisi a'oga, e una'ia tamaiti e ave le matematika. E taua tele le filifili tatau o au mata'upu e le faamalositia se tolu pe fa i le Tausaga 12. O le matematika ma le faasaienisi i le Laasaga 1, o ni tapenaga talafeagai ia e te auala atu ai i mata'upu e iai le statistics, physics, chemistry ma le biology. O le lelei o ou maka i le Igilisi i le Laasaga 1, o se tapenaga talafeagai lea e te auala atu ai i mata'upu e iai le drama, media studies po o le social studies. E matua faamamafaina tapenaga talafeagai i le Laasaga 3, o lea e tatau ona matua mafaufau lelei i mata'upu e filifilia mo le Tausaga 12, ina ia mautinoa pe feso'ota'i ma mata'upu oloo e faamoemoe i ai mo lou aga'i i luma [ma mana'omia] mo au mata'upu i le Tausaga 13. [tagai i Faamatalaga Faaopoopo 2 mo nisi faamatalaga e uiga i matati'a taua mo le aga'i i luma o lou taumafai].

O A'OA'OGA I TAUSAGA TAITASI, E MAUA AI  
LE FAAVAE O GALUEGA MO LE TAUSAGA O  
MULIMULI MAI.

Ina ia faamanuiaina i le **NCEA Laasaga 2**, e mana'omia

- Pe tusa ma le **60 maka** i le Laasaga 2 pe sili atu foi, ma le isi **20 maka** i soo se laasaga lava e maua mai ai [o le 20 maka e mafai ona maua mai i maka ua uma ona maua mai i le Laasaga 1]
- Mai le tausaga e 2013, e tataua ona e ausia maka o le faitautusi ma le tusitusi i le Laasaga 1.

E ui ina foliga mai e pei e faigofie le Laasaga 2 o le NCEA ai lo le Laasaga 1 [ona e lē tele maka e mana'omia], a'o mata'upu o le a a'oa'o'ina, e matua sili ona faigata, ma e mana'omia lou mata'alia e faafeagai ai ma lu'itau. Ae afai e te galue ma le tinoū i le Laasaga 2, e fesoasoani tele mo au tapena ina ia faigofie le Laasaga 3. Manatua, e mafai lava ona e faaaauu i le Laasaga 2 o le NCEA, tusa lava pe le pasi le Laasaga 1 o le NCEA i le tausaga ua tuanai. Peitai, afai e lei pasi lau faitautusi ma le tusitusi po o le numera, e tataua ona pasi ae lei faaaauu lau Laasaga 2 o le NCEA.

Manatua, o le aofa'iga ia o maka e mana'omia mo le Laasaga 2. O le to'atele o tamaiti e mafai ona latou ausia ia maka pe sili atu foi ai lo le 60 maka i le Laasaga 2. E tūua tele lea mo mafua'aga e lua:

- E mana'omia le filifiliina o le lima po o le ono mata'upu, ma e mana'omia le 20 maka po o le sili atu foi i ia mata'upu, o lea e tataua ai ona matuā tinoū ma faaaogāina ia avanoa e a'oa'o ai ia mata'upu
- Ia mautinoa le lava o maka i mata'upu 'ese'ese ina ia pasi aemaise fo'i le tulafono o tapenaga talafeagai a le a'oga ina ia mafai ona faaaauu lou taumafai i ia mata'upu i laasaga maualuluga i le Tausaga 13. E mana'omia e a'oga pe tusa ma le 12 maka pe sili atu foi e tusa ma le 16 i le 18 maka e pasi ai se mata'upu i le laasaga lea.



Afai ua e mafaufau e te fia ulufale atu i le iunivesete pe a faai'uina le a'oga, ae e te lē faamoemoe i ou maka o le Laasaga 1, e tataua ona e faamoemoe ia maua e lē itiiti ifo i le 80 maka ae ia sili atu i le Laasaga 2.

### Faamanuiaina le NCEA i le Laasaga 3

I le **Laasaga 3** e te sa'oloto i le filifiliina o au mata'upu, ae ia manatua, o lau filifiliga e faalagolago i au tapenaga talafeagai ua mae'a i tausaga ua tuana'i. Afai la o e sauniuni e te fia ulufale atu i le iunivesete, siaki lelei po o a mata'upu e mana'omia mo le polokalame oloo e fuafua e te fia faaauauina. Ia mautinoa foi o mata'upu oloo ua filifilia e le gata ina ia maua ai le Laasaga 3 o le NCEA, ae ia mafai ai foi ona e ulufale atu i le iunivesete.

Ina ia e ausia le **Laasaga 3** o le NCEA, e mana'omia:

- E le i lalo ifo o le **60 maka** i le Laasaga 3 pe sili atu foi, ma le isi **20 maka** i le Laasaga 2 pe sili atu foi [e mafai ona maua mai le 20 maka ia i maka o le Laasaga 2 ua uma ona iai].

So'o se mata'upu lava o le NCEA i le Laasaga 3 [ma nisi mata'upu foi e le o ni mata'upu o le NCEA<sup>1</sup>], e mafai ona maua mai ai maka o le tusipasi mo le Laasaga 3 o le NCEA, peitai, e le o maka o mataupu o le Laasaga 3 o le NCEA e maua ai le UE.

## NISI VAEGA E MANA'OMIA LOU SILAFIAINA I LE NCEA

O le NCEA ua fuafuaina ina ia faamalieina mana'oga o tamaiti uma i mata'upu 'ese'ese, ma o latou faamoemoega 'ese'ese ma ia talafeagai ma

1 E pei ona ta'ua muamua, o mata'upu o le a'oga e iai achievement matati'a o vaega ia o le ta'iala a le a'oga maualuga. O isi mata'upu e maua mai i isi tusipasi poo tipiloma i le 'Auivi o Faailoga i Niu Sila [NZQF]. O ia mata'upu atonu e aofia ai tomai o faafouina, vaايا o manu poo business administration, ma isi lava anoano.

o latou tomai ma le iloa. E faamaumauina uma taumafaiga a tamaiti ta'ito'atasi, [Record of Achievement] e aofia ai le iloa, o le tomai, ma maka na ausia. O taumafaiga uma [ma maka uma oloo faamaumauina] e taulia uma, ma e mafai ona faaalua mai i faamaumauga [Record of Achievement] i soo se taimi.

### **Aiseā e tāua ai le faamanuiaina i le NCEA?**

E tatau i tamaiti uma ona faai'uina a'oga maualuluga ma ni tomai ma iloa talafeagai aemaise lava o se tusipasi taualoa. O le Laasaga 1 i le NCEA o le vaega amata lea o le tusipasi, e ui lava o aiaiga o le taimi nei, ia toatele tamaiti e tatau ona uma ma le a'oga ma le Laasaga 2 o le NCEA. O le ausia o le tusipasi o le NCEA e tāua tele mo le tele o mafua'aga.

O nisi la nei o mafua'aga tāua:

- O tamaiti e faasolo sa'o atu e faigaluega ma le tusipasi o le NCEA, e telē le avanoa e maua ai se galuega lelei ma e maualuga foi le totogi nai lo i latou e uma le a'oga ae leai se tusipasi. O le telē o le totogi e faalagolago i le tulaga o le a'oa'oga.
- O i latou e mana'omia polokalame e a'oa'o ma totogi [apprenticeship], e mana'omia lava le malamalama ma le tomai o le faitautusi ma le tusitusi faapea le numera, ma isi lava tomai talafeagai [tagai i le Mata'upu 5 mo nisi faata'ita'iga]. O i latou ua ausia le tusipasi o le Laasaga 2 o le NCEA, e mautinoa lava e uma le polokalame lea na a'oga ai ma maua totogi, ua ave ma tagata ua umia ni tusipasi taualoa o le fau-fale, inisinia, palama, ma isi lava matata, ai lo i latou na faaiuina le aoga e leai se tusipasi.
- O nisi e manana'o e maua ni o latou tusipasi muamua poo tipiloma i polokalame [i le technology, pisinisi, landscape, gardening, tausiga o tagata matutua, ma isi polokalame], e auala atu i falefaigaluega, matātā 'ese'ese poo nisi 'au'aunaga tūma'oti, e mana'omia le faauma o le Laasaga 2 o le NCEA, poo le tele o maka e maua mo le Laasaga 2, aemaise lava le tomai i le faitautusi ma le tusitusi ma le numera.

- O le ulufale atu i le tikeri e mana'omia e matātā 'ese'ese le UE poo le Laasaga 3 o le NCEA. I vaega e lē mamafa tele mana'oga [ft. polokalame o le tipiloma], e mana'omia le lelei o maka i le Laasaga 2 o le NCEA.
- O le ulufale atu i polokalame a iunivesete i le tikeri, e mana'omia le ausia o le UE, ma le lelei o maka i mata'upu oloo i le **lisi faamaonia** [taga'i i Mata'upu 2,3, ma le 4 mo faata'ita'iga]. O le mea moni lava, o nisi iunivesete ua latou faaaogaina maka o le tulaga o le a'oa'oga o le tamaitiiti e faavasega ai i polokalame o tikeri faapitoa. O le faavasegaina o maka e faalagolago i mata'upu faamaonia i le lisi o le Laasaga 3, a'o isi maka e maua mai i maka o mata'upu e maua ai le Merit poo le Excellence [taga'i i le tala a Jack i le Mata'upu 4 mo faata'ita'iga o le faaaogaina o maka].

E ui lava o nisi o tamaiti ua faamalieina lava i maka ua maua ai le tusipasi o le NCEA [pe laitiiti], o le to'atele e fiafia ma tinoū e galulue i le mafai e gata mai ai ina ia tele ni maka e ausia. E tauia le galue faamaoni ma le maualuga o faamanuiaga tau a'oa'oga i le NCEA i polokalame ma tusipasi.

O tamaiti uma e maua o latou maka i le Merit [lelei] poo le Excellence [sili ona lelei] latou te mauaina nei faamanuiaga.

### Faamanuiaga i mata'upu

Faamanuiaga i mata'upu [ft. i le te reo Maori, chemistry po o le faafalani] e mana'omia ina ia ausia le 14 maka i le mata'upu ma le Merit po o le Excellence. O le 3 o le 14 maka e tatau ona maua mai i iloiloga i le taimi o le a'oga, a'o le isi 3 e tatau ona maua mai i su'ega [vagana ai le physical education, religious study ma le visual arts i le Laasaga 3]. O maka e mafai ona maua mai i laasaga uma o le NCEA, peita'i, e tatau ona maua uma i le tausaga e tasi.

Faata'ita'iga, o le tamaitiiti e maua le 20 maka i le chemistry i le Laasaga 2 [4 maka e maua mai i iloiloga i le taimi o le a'oga 16 mai

su'ega], o le 15 e maua ma le Excellence, e maua lana faamanuiaga i le chemistry “ma le Excellence”. Afai o le isi tamaitiiti e tutusa maka na maua, a’o le 10 maka na maua ma le Merit, ae 4 ma le Excellence [o nisi o maka na maua i le Laasaga 1 a’o isi o le Laasaga 2] e maua le tusipasi o le chemistry “ma le Merit”.

Faamolemole siaki ma lau aoga mataupu ia ua e faamoemoeina e ave ma maua ai ni ou maka o le Merit, po o le Excellence ua faatulagaina le faamaonia o le lagolagoina ma talafeagai.

### Faamanuiaga i le tusipasi

Faamanuiaga i le tusipasi [I le Laasaga 1, 2 poo le 3 o le NCEA] e mana’omia le tamaitiiti ina ia ausia pe tusa ma le 50 maka i le Merit po o le Excellence. Faata’ita’iga, o le tamaitiiti e uma le Laasaga 2 o le NCEA e ausia maka e 96 i le Laasaga 2, e 52 maka e maua i le Excellence, e maua lona tusipasi i le Laasaga 2 o le NCEA “ma le Excellence”. A’o le tamaitiiti e ausia le 64 maka i le Laasaga 2, o le 20 maka ma le Excellence, ma le 31 maka ma le Merit, e maua le tusipasi i le Laasaga 2 o le NCEA “ma le Merit”.

## VAEGA E MANA’OMIA LOU SILAFIAINA I FAAMANUIAGA E ULUFALLE ATU AI I LE IUNIVASETE

Mo le ‘ausia o le **Ulufale atu i le Iunivesete [UE]**, e masani lava i le Tausaga 13, e mana’omia oe e ‘ausia ni mana’oga e ‘ese mai i le Laasaga 3 o le NCEA. E le o mata’upu uma i le Laasaga 3 o le NCEA e maua ai ou maka e te ulufale ai i le iunivesete UE. O mata’upu e maua ai maka mo le ulufale i le iunivesete oloo i le **Lisi e Faamaonia ai mata’upu** oloo faaata i le siata oloo i lalo<sup>2</sup>. E le o matāti’a uma oloo lisiina i le lisi

2 E pei ona lisiina i le upega tafa’ilagi a le NZQA i le 10 Iulai 2013. Mo suiga ma ni faamatalaga fou, siaki le upega tafa’ilagi i le: <http://www.nzqa.govt.nz/qualifications-standards/awards/university-entrance/approved-subjects-for-university-entrance>

e faamaonia ai mata'upu e aofia uma i matati'a o le UE, o lea ia siaki i le a'oga po o a tonu matati'a e taulia i le UE.

Ina ia faamanuiaina i le UE mai le tausaga e 2014

Ina ia faamanuiaina i le UE, e manaomia tamaiti ina ia:

- Ausia le NCEA I le Laasaga 3 [o lona uiga, ia ausia e le i lalo ifo o le 60 maka i le Laasaga 3 po o luga atu o le 20 maka i le Laasaga 2 po o le sili atu foi, e aofia ai ma maka na maua i le Laasaga 2 i le tausaga ua tuana'i.
- Ia maua ni maka se 14 i mataupu taitasi se tolu o mataupu oloo i le lisi ua faamaonia [o lona uiga pe tusa ma le 42 maka mai mataupu e tolu – o nei maka o le vaega o maka e 60 e manaomia e ausia ai le Laasaga 3 o le NCEA].
- Ausia vaega manaomia o le faitautusi ma le tusitusi pe tusa ma le 10 maka e maua mai i le Igilisi, Faamaori, po o isi matatia faapitoa po o unit standards i le Laasaga 2 po o luga atu foi [o le 5 o ia maka ia maua mai faitautusi/panui ma le 5 e maua mai i le tusitusi/tuhituhi.
- Ausia vaega manaomia o le numera pe tusa ma le 10 maka i le Laasaga 1 po o luga atu foi i le matematika, pangarau, po o isi matatia faapitoa po o unit standards [ o manaoga faapitoa o le numera mo le UE e tutusa ma manaoga faapitoa o le numera i le Laasaga 1 o le NCEA].

O tamaiti oloo maualuluga o latou taumafai i aoga [Merit po ole Excellence] e manuia foi a latou taumafaiga i Iunivesete, ai lo tamaiti e le o lelei o latou taumafai i totonu o aoga. O lona uiga e taua lou faamalosi i lou tausaga mulimuli i le aoga ina ia e ausia le Merit po o le Excellence i au mataupu.

E taua tele le mautinoa o mataupu oloo aveina i le Laasaga 3 oloo faamoemoe e aofia ai i maka mo le ulufale atu i le iunivesete, oloo i le

lisi o mataupu ua faamaonia mo le iunnivesete, ma o le tele [pe afai e le aofia uma] o matatia i nei mataupu oloo aofia i le lisi ua faamaonia. E faapena foi pe afai e te faamoemoe e ave se course, po o se certificate ua faamaonia ia mautinoa o le course oloo aveina ua faamaonia ma lagolagoina, e maua ai le Merit po ole Excellence.

### Siata1: Lisi o mata'upu faamaonia mo le UE e amata maii le 2014

#### ART AND DESIGN

Design (Practical Art)  
 Design & Visual  
 Communication  
 Painting (Practical  
 Art)  
 Photography (Practical  
 Art)  
 Printmaking (Practical  
 Art)  
 Sculpture (Practical  
 Art)

#### HUMANITIES AND SOCIAL SCIENCES

Classical Studies  
 Dance  
 Drama  
 Geography  
 History  
 History of Art  
 Media Studies  
 Music Studies  
 Religious Studies  
 Social Studies

#### BUSINESS AND COMMERCE

Accounting  
 Business Studies  
 Economics

#### LANGUAGES AND LITERATURE

Cook Island Māori  
 Chinese  
 English  
 French  
 German  
 Indonesian  
 Japanese  
 Korean  
 Latin  
 Samoan  
 Spanish  
 Te Reo Māori  
 Te Reo Rangatira

#### SCIENCE

Agriculture &  
 Horticulture  
 Biology  
 Chemistry  
 Earth & Space Science  
 Physics  
 Science

#### MATHEMATICS

Calculus  
 Mathematics  
 Statistics

#### OTHER SUBJECTS

Construction &  
 Mechanical  
 Technologies  
 Digital Technologies  
 Education for  
 Sustainability  
 Health Education  
 Home Economics  
 Physical Education  
 Processing  
 Technologies  
 Technology

E taua tele lou mautinoa o mata'upu ua e filifilia mo le Laasaga 3, ma e mafafauina e maua ai ma lou UE, oloo lavea i le lisi, ma o le tele foi [pe afai e le o mata'upu uma] o matāti'a i nei mata'upu oloo lavea i le lisi o mata'upu faamaonia. E le o se faafitauli pe afai o mata'upu o le Laasaga 3 e iai le chemistry, history po o le classics, peita'i, e ono afaina pe afai o mata'upu e iai le technology, health po o le social studies.

## VAEGA E TATAU ONA E SILAFIA I SIKOLASIPI A NIU SILA

E iai se tasi laasaga faaopoopo i tamaiti o aoga maualuluga, e ta'ua o **Sikolasipi a Niu Sila**. O faamanuiaga nei e maua e tamaiti e maualuluga o latou maka i mata'upu ta'itasi. E iloiloina tamaiti e pei o su'ega i le faai'uga o le tausaga poo faamaumauga i faila [e tutusa lava mea e iloilo ai ae le tutusa ma su'ega o le NCEA], e maua ai le tupe ae faato'a maua lava pe a faaauau le a'o'oga i se iunivesete po o se 'au'aunaga i matātā 'ese'ese i totonu o Niu Sila. E lua laasaga e maua ai sikolasipi, o le Basic Scholarship [S], ma le Outstanding [O].

O TAMAITI SA MAUALULUGA O LATOU MAKI  
[MERIT MA EXCELLENCE] I LE AOGA, E ONO  
FAAMANUIAINA FOI O LATOU TAUMAFAI I LE  
IUNIVESETE AI LO I LATOU E LE'I MAUALULUGA  
O LATOU MAKI.

Sikolasipi e maua [ma le aofaiga o tupe sa maua i le 2012] oloo lisiina i lalo:

- *Sikolasipi i mata'upu ta'itasi*: \$500 [ na'o le tasi] – mo le mata'upu e tasi [poo le \$1,000 pe a maualuluga maka i mata'upu e 2 e ofoina ai sikolasipi]. I le 2012, e 2038 tamaiti na mauaina sikolasipi.

- *Sikolasipi*: \$2,000 i le tausaga mo le 3 tausaga pe afai e tausisia e le tamaitiiti e le i lalo ifo o le B le pasi o ana mata'upu – mo mata'upu e 3 po o le sili atu foi i mata'upu e maua ai le sikolasipi. I le 2012 e 224 tamaiti na maua le sikolasipi.
- *Sikolasipi o mata'upu maualuluga*: \$2,000 i le tausaga mo le 3 tausaga pe afai e tausisia e le tamaitiiti ia le i lalo ifo o le B le pasi o ana mata'upu – na te ausia ai le maualuga o ana mata'upu. I le 2012, e 33 tamaiti na mauaina sikolasipi o mata'upu maualuluga.
- *Sili atu le maoa'e o le sikolasipi*: \$5,000 i le tausaga mo le 3 tausaga pe afai e tausisia e le tamaitiiti ia le i lalo ifo o le B le pasi o ana mata'upu – ia pasi mata'upu e lua o le sikolasipi i le 0 ma le tasi i le S, poo le tasi foi i le 0 ma le 4 i le S. E faatapulaa le numera o tamaiti e mauaina nei sikolasipi, e le faapea la o le maua o le S ma le O e faamautu ai le mauaina o le sikolasipi.

E i le va o le 40 ma le 60 latou te mauaina nei sikolasipi i Niu Sila atoa. I le 2012 e 54 latou na mauaina.

- *Sikolasipi pito i maualuluga*: \$10,000 i le tausaga mo le 3 tausaga pe afai e tausisia e le tamaitiiti ia le i lalo ifo o le B le pasi o ana mata'upu – i le pasi lea, pe tusa ae ia lima pe sili atu foi sikolasipi, pe tusa ma le tolu mataupu i le tulaga e sili atu le lelei (Outstanding). E faatapulaa tamaiti e mauaina nei sikolasipi, e le faapea la o le maua o le S ma le O e faamautu ai le mauaina o le sikolasipi. E i le va o le 5 ma le 10 sikolasipi pito i maualuluga e mauaina i tausaga ta'itasi. I le 2012, e to'aiva na mauaina 10 sikolasipi.

E una'ia lava i latou e maualuluga o latou maka ma ausia le excellence i le tasi poo le sili atu foi o mata'upu, ina ia su'e i su'ega o mata'upu o sikolasipi. O le manumalo i se sikolasipi, e lē gata ina faamanuia ai i le itu tau tupe, ae maua ai foi le avanoa e faailoa ai le tomai ma le atamai o le tamaitiiti, ma lona sauni atu e fetai'a'i ma lu'i. O nisi polokalame o tikeri, a faamanuiaina i le Sikolasipi e mafai ona maua ai le avanoa e amata ai i le tausaga lua o lena mata'upu.



Talatalanoa i ou faia’oga i au fuafuaga e su’eina mata’upu o le Sikolasipi ina ia malamalama i au tapenaga ma mafai ai ona fesoasoani ia te oe mo au tapenapenaga. Mo lou lava lelei, e tatau ona e taumafai e tapena mo le tolu mata’upu o Sikolasipi, aua o le lua mata’upu e tasi le avanoa e maua ai le sikolasipi e \$1,000, ae afai e tolu au mata’upu o le sikolasipi, e \$6,000 [e maua i le tolu tausaga].

**Faamalamalama:** Aua nei fenunia’i Sikolasipi ma tupe ma sikolasipi e maua e i latou ua sauni atu mo iunivesete ma matata ‘ese’ese. O le tele o faalapopotoga e faavaeina mo fesoasoani faapitoa i tagata lautele, o pisinisi ma ‘au’aunaga faalaua’itele, latou te ofoina fesoasoani tau tupe e ala i sikolasipi mo tamaiti e talosaga atu mo se fesoasoani. O iunivesete foi latou te faatinoina nisi o sikolasipi ma ofoina foi e latou nisi sikolasipi.

O le tele lava o nei sikolasipi e faatulagaina i vaega faapitoa, [ft. tama’ita’i, i latou mai itumalo faapitoa, pe faatatau foi i a’oga e omai ai], ae faapitoa foi i mata’upu oloo faamoemoe iai le a’oa’oga[ft. arts, musika, faainisinia]. O sikolasipi foi e faalagolago i le maualuga o le taumafai ma isi vaega e aofia ai le matauina o ni tomaiti faata’ita’i lelei aemaise ni galuega lelei mo tagata lautele. O nisi sikolasipi e faalagolago i le tamāo’aiga. O lau a’oga ma le iunivesete oloo e faamoemoe e te aga’i atu iai, e mafai ona maua mai ai nisi faamatalaga i sikolasipi e mafai ona e talosaga iai.

## VAEGA AUTU

- Po o a lava au fuafuaga i le taimi e uma ai lau a’oga, ia mautinoa ua e malamalama lelei i le NCEA, pe faapefea ona aafia ai au filifiliga ma au faai’uga.
- Ia vave ona fai au fuafuaga ma mautinoa le mea e te fia aga’i i ai ina ia faaaoga tatau le NCEA e amata ai au tapenaga e ta’ita’iina ai oe ina ia taunuu manuia lou faamoemoe. E lē lava lou manatu e fia avea oe ma loia, faitifaga, poo le kuka. Ina ia taunuu ou faamoemoega i se galuega ua e fuafuaina mo le lumana’i, e tāua tele ia te oe ma lou aiga, ona mautinoa vaega e tatau ona e ausia o le NCEA a’o e iai i le a’oga, ae faapefea foi ona e ausia maka i mata’upu e talafeagai lelei ma lou faamoemoe.
- E le gata i lou malamalama i le NCEA, ae ia ia e malamalama lelei foi i tulafono a le aoga. O a ni vaega e mana’omia muamua e ausia o mata’upu oloo e fuafuaina mo lou faamoemoe, e fia ni maka e tatau ona ‘ausia, ae o le a le lelei e mana’omia ina ia mafai ona e o’o atu ai i le isi laasaga o ia mata’upu.
- Ia e mautinoa le faatulagaina o le polokalame. Afai e pā’ū’ū le chemistry ma le tourism i le piliota e tasi, filifili tatau po o fea le mata’upu e sili ona tāua, ae po o le a foi le mata’upu e mana’omia muamua e auala atu ai i mata’upu o le isi tausaga.

- Afai e te le o malamalama lelei i se galuega e te aga'i iai, faalaua'itele au tapenapena i mata'upu tāua. O lona uiga e filifili le Igilisi, matematika, ma le faasaienisi i le Tausaga 11 ma le Tausaga 12 ma faaopoopo iai se isi mata'upu o mata'upu faitaulia.

Po o le a lava ou faamoemoea, taumafai ma tinoū ina ia tele ni ou maka a'o e iai pea i le a'oga.

### Pe afai o lou faamoemoe e aofia ai le ulufale i le iunivesete

- Filifili tatau au mata'upu o le NCEA, taumafai ina ia lelei ma paleni pasi o mata'upu o le faasaienisi [e aofia ai le matematika], ma mata'upu e pei o le Igilisi, history, drama, social studies, media studies ma classics, e fesoasoani e atina'e ou tomai i le fetu'utu'una'i o le mafaufau, ma le mafaufau loloto, faapea foi le tomai i le tusitusi ma le presentation [folasiaina o galuega].
- Fuafua ina ia lelei le paleni o mata'upu taua ma isi mata'upu e iai taaloga ma le avea ma ta'ita'i lelei. Taumafai ina ia avea oe ma tagata e iai le tomai i i isi mata'upu, ae aua ne'i avea isi mata'upu e faaitiitia ai le avanoa e taumafai ai i mata'upu taua mo le atina'eina o le mafaufau mo le aga'i i luma o lou taumafai.
- Talanoa i ou faiaoga, faufautua mo galuega a le a'oga, mātua ma isi lava tagata e ono maua ai sou fesoasoani ina ia faia sau filifiliga tatau mo le NCEA. O se vaega sili ona faanoanoa ai, o tamaiti e taunuu atu i le Tausaga 13 ae faatoa iloa e le o talafeagai mata'upu sa a'oa'oina ai pe toe 10 ni maka sa mana'omia a'o iai i le Tausaga 11.
- Fuafua ina ia e 'ausia le Laasaga 1 i le Tausaga 11, ma le NCEA 2 i le Tausaga 12, ma taumafai ina ia 'ausia e sili atu i le 60 maka o le Laasaga 2 i le Tausaga 12.
- Fuafua ina ia e ausia uma le NCEA i le Laasaga 3 ma le UE ma maka e sili atu ona lelei, ma ia sili atu i lo maka faatulagaina mo lea laasaga. Ua amata nei ona faaoga e iunivesete auala e faavasegaina ai le filifilia o tamaiti e fia ulufale atu i iunivesete, ua le gata i tikeri

faatapulaaina e iai le medicine ma le faainisia, a’o le ulufale atu mo tikeri i polokalame uma. E tāua tele foi mo tamaiti e fuafua e ave faatasi ni tikeri se lua [ o lona uiga o le fia ave faatasi lea oni tikeri i le taimi e tasi, e pei o le tikeri i le pisinisi, ma le faalōia, poo le economics ma le political science]. Fuafua ina ia ‘ausia e le i lalo ifo o le 18 maka i mata’upu ta’itasi. O le aofa’i o maka na ‘ausia, ae pe fia fo’i o nei maka na maua ai le Merit ma le Excellence, e tāua tele mo le taliaina o oe i se iunivesete e te fia aga’i iai.

- Mafaufau ina ia e su’eina mata’upu o Sikolasipi i le faai’uga o le Tausaga 13, ma talanoa ma ou faia’oga i se auala lelei e te tapena ai.
- Siaki vaega mana’omia o le polokalame o le tikeri ma le iunivesete oloo e fuafua e te fia ulufale atu iai, ma taumafai ina ia e ‘ausia ia vaega. Afai e aofia ai se mata’upu e le o ofoina e lau a’oga, [ft. Laasaga 3 o le physics po o le calculus], talanoa ma lau a’oga, [ma ou matua] pe faapefea ona maua sou avanoa e a’oa’o ai lea mata’upu. A’oa’oga e auala i fetusia’iga [distance education], ae ia iai se lagolago o le isi lea auala, peita’i, e mana’omia le mata’itūina o le fuafua tataua o le taimi, aemaise le sogasogā ma le tauivi malosi.
- Iloilo au fuafuaga, vaega ua ‘ausia, o au mata’upu filifilia ma toaga e su’esu’e ina ia mautinoa oloo sololelei au fuafuaga, ma oloo ‘ausia foi maka e pei ona faamoemoeina. E sili ona tele le fesoasoani pe afai e iai ni polokalame faatinoina i le a’oga e maua ai ni fautuaga ma ni avanoa e toe maua ai ni a’oa’oga e tapena ai mo mata’upu, ina ia iai se faia’oga e malamalama lelei ma iloa au fuafuaga ma mafai ona fesoasoani ai e toe Iloilo au mata’upu ma maua mai ai ni fautuaga.